

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Johannis Segeri Weidenfeld De Secretis Adeptorum Sive
Usu Spiritus Vini Lulliani Libri IV**

Weidenfeld, Johann S.

Londini, 1684

106. Alia

[urn:nbn:de:bsz:31-96282](#)

five menstruum fætens cum sua forma. Hæc aqua potestatem habet calcinandi, ac eodem tempore solvendi omnia metalla cum conservatione formæ vegetativæ. Hac nos plura experimeta vidimus & fecimus.

Isaacus Hollandus ut augmentaret horum menstruorum vires, vitriolo addere maluit mineralia quædam tingentia quam accidum Nitri & Aluminis. Ita præparavit menstruum à nobis dictum,

105. Aqua solvens ad rubeum primæ descriptionis Isaaci,

Cap. X. 3. oper. min.

R. **V**itrioli Romani partes sex, Lapidis hæmatitidis, Croci martis, Cinabaris, Æris usti, Antimonii mineralis ana partem unam; siccata bene misce, & superpositis in retorta affunde libras quatuor aquæ vitæ rectificatæ; destilla, & de-super caput mortuum pulverisatum cohoba ter.

Menstruum hoc esse sanguinei coloris, sequens huic simile menstruum probat.

106. Aqua solvens ad rubeum secundæ descriptionis Isaaci,

Cap. XLV. 3. Oper. miner.

R. **A**ntimonii mineralis, Æris usti, Croci martis, Cinabaris, ana partes duas, Vitrioli ad pondus omnium, omnibus bene exsiccatis & permixtis affunde aquæ vitæ optimè rectificatæ ad eminentiam duarum palmarum, vase optimè clauso digere in balneo per 10 dies, quotidiè movendo materiam ter vel quater, ut materia aquæ vitæ eò melius incorporetur, finitis his 10 diebus, & apposito alembico destilla leni igne, sed tandem per 12 horas igne fortissimo, ut omnes spiritus tincti cum

cum aqua vitae ascendere possint. Hunc laborem toties repetet
semper destillando Aquam cum recentibus materiis donec san-
guinis instar rubefacta fuerit.

*His duobus addemus etiam tertium hujus speciei men-
struum.*

107. Aqua solvens ad rubeum tertiae descriptionis Isaaci ,

Cap. LXI. 3. Oper. min.

R. **V**itrioli Romani, Cinabaris, ana partem unam, Croci
martis, Lapidis hæmatitidis, Æris usci, Viridis Æ-
ris ana partem medium, Vitriolum prius calcina. Si velis ex-
trahe cum aceto (*philosophico*) tinturam ex Antimonio mi-
nerali, quam ab aceto separatam speciebus superioribus adde,
ut & aquæ vitae duodecies rectificatae quantum sufficit; vase
optimè clauso in balneo digere per septem vel octo dies, tum
apposito alembico, & juncturis bene lutatis destilla leni igne
per duos dies, deinde fortiori per duos alios, tum ut vitrum
candeat per tres dies, frigescatis vitris exime caput mortu-
um, quod bene pulverisatum digere cum aqua destillata
per octiduum, tum destilla primo die leniter, secundo
fortius, tertio fortissime ut candeat per viginti quatuor
horas; tunc sine ut frigescat, Aquam destillatam cum no-
vis materiis digere & destilla ut suprà, idque ter repeten-
dum.

*Et ut hæc menstrua fuere pro tinturis rubris, ita etiam quæ-
dam composuit pro tinturis albis. Sic*

108. Aqua solvens ad album. Isaaci,

Cap. LXXVI. 3. Oper. min.

R. **A**luminis roche, Lapidis calaminaris, Calcis Ovo-
rum, ana; affunde aquæ vitae ab omni phlegmate
M m recti-